

১০ ফেব্রুয়ারি ২০২০ইং

সংবাদ বিজ্ঞপ্তি

বাংলাদেশ হেলথ রিপোর্টার্স ফোরাম এর সাথে বৈঠক

আজ সকাল ১১টায় ২০১৯-নভেল করোনাভাইরাস (২০১৯-nCoV) নিয়ন্ত্রণ কমিশনের পক্ষে আইইডিসিআর-এর পরিচালক অধ্যাপক ডা. মীরজাদী সেব্রিনা ফ্লোরা ও প্রধান বৈজ্ঞানিক কর্মকর্তা ডা. এ. এস.এম. আলমগীর বাংলাদেশ হেলথ রিপোর্টার্স ফোরাম-এর সাথে মত বিনিময় সভায় মিলিত হন। সভায় নভেল করোনাভাইরাস সংক্রমণের বর্তমান পরিস্থিতিতে সংবাদ প্রদান ও প্রকাশের ক্ষেত্রে উভয় পেশার পেশাদারিত্বের বেশ কিছু বিষয় নিয়ে আলোচনা হয়। সভায় এ বিষয়ে উভয় পক্ষ একমত হন যে, সম্ভাব্য/সন্দেহজনক/পরীক্ষাধীন নভেল করোনা ভাইরাসে আক্রান্ত রোগীদের সংবাদ প্রকাশের ক্ষেত্রে রোগীর নাম, ঠিকানা, ছবি সংবাদ মাধ্যমে প্রদান ও প্রকাশ করলে তার ব্যক্তিগত ও সামাজিক গোপনীয়তা ও নিরাপত্তা বিঘ্নিত হয়, যা চিকিৎসা বিজ্ঞান ও সাংবাদিকতার নৈতিকতার পরিপন্থী। এ বিষয়ে সংশ্লিষ্ট চিকিৎসক ও সাংবাদিক প্রতিনিধিবৃন্দ একমত হয়ে স্ব স্ব ক্ষেত্রে দায়িত্ব পালনে ভবিষ্যতে আরো যত্নবান হবেন বলে আশা প্রকাশ করেন।

সংবাদ সম্মেলনে আইইডিসিআর পরিচালক

সাংবাদিকদেরকে নিয়মিত অবহিতকরণের অংশ হিসেবে আজ বেল ১২টায় আইইডিসিআর মিলনায়তনে বাংলাদেশে ২০১৯- nCoV পরিস্থিতি সম্পর্কে অবহিত করা হয়। সাংবাদিকদেরকে সর্বশেষ পরিস্থিতি তুলে ধরেন আইইডিসিআর-এর পরিচালক প্রফেসর ডাঃ মীরজাদী সেব্রিনা ফ্লোরা। গুজব প্রতিরোধে করণীয় সম্পর্কে নানা প্রশ্নের উত্তর দেন তিনি।

স্বাস্থ্য অধিদপ্তরে সভা

আজ সকাল ৯টায় স্বাস্থ্য অধিদপ্তরের নতুন ভবনে ভিডিও সম্মেলনের মাধ্যমে দেশের সকল বিভাগীয় পরিচালক, সিভিল সার্জন এবং উপজেলা স্বাস্থ্য ও পরিবার কল্যাণ কর্মকর্তাদের এক সভা অনুষ্ঠিত হয়। স্বাস্থ্য অধিদপ্তরের মহাপরিচালক মহোদয় বিশ্বে ও বাংলাদেশে ২০১৯- nCoV পরিস্থিতি এবং সংক্রমণ প্রতিরোধ ও নিয়ন্ত্রণে করণীয় বিষয়ে দিক নির্দেশনামূলক বক্তব্য তুলে ধরেন।

সংক্রমণ প্রতিরোধ ব্যবস্থা জোর দেয়ার নির্দেশ

সংবাদ সম্মেলনে প্রফেসর ফ্লোরা সকল হাসপাতালে সংক্রমণ প্রতিরোধের জন্য গঠিত কমিটি আরো সক্রিয় করার জন্য আহ্বান জানান। এর পাশাপাশি জনগণকে ব্যক্তিগত সুরক্ষার জন্য পরিচ্ছন্নতার স্বাস্থ্য বিধি মেনে চলার অনুরোধ জানান তিনি।

কোয়ান্টাইনকৃতদের স্বাস্থ্য পরিস্থিতি

সম্মিলিত সামরিক হাসপাতালে আইসোলেশন ইউনিটে রাখা ১১ জন এবং আশাকোনা কোয়ারান্টাইন কেন্দ্রে উহান ফেরত ৩০১ যাত্রীরা সুস্থ আছেন।

গত ৮ ফেব্রুয়ারী ২০২০ তারিখে রংপুর মেডিক্যাল কলেজ হাসপাতালের আইসোলেশন ইউনিটে ২০১৯- nCoV সংক্রমণ সন্দেহে ভর্তি হওয়া চীন ফেরত বাংলাদেশের নাগরিকের শারীরিক পরিস্থিতি স্থিতিশীল রয়েছে। ল্যাবরেটরি পরীক্ষায় তার দেহে ২০১৯- nCoV পাওয়া যায়নি।

স্বাস্থ্য উপদেশ

* যারা সুস্থ আছেন তাদের মাস্ক পরা দরকার নেই। যারা সর্দি-কাশিতে ভুগছেন শুধু তারাই ঘরের বাইরে বের হলে মাস্ক পরবেন। তবে ঘরে ফেরার আগে ব্যবহৃত মাস্কটি মুখঢাকা বিনে ফেলবেন, যেন কেউ কুড়িয়ে আবার তুলে নিতে না পারে।

২০১৯-nCoV সংক্রান্ত সর্বশেষ পরিস্থিতিঃ (১০ ফেব্রুয়ারি ২০২০ ইং)

বিষয়	২৪ ঘন্টার সর্বশেষ পরিস্থিতি	গত ২১/০১/২০২০ থেকে অদ্যাবধি
মোট স্ক্রিনিংকৃত যাত্রীর সংখ্যা	১২৬৩০	৯০২৪৫
এ পর্যন্ত হযরত শাহজালাল আন্তর্জাতিক বিমান বন্দরে বিদেশ থেকে আগত স্ক্রিনিংকৃত যাত্রীর সংখ্যা*	৬১৬২	৩২৩৩৭
স্ক্রিনিংএর মাধ্যমে বিমান বন্দরে সনাক্তকৃত সন্দেহজনক রোগীর সংখ্যা	০	১
দু'টি সমুদ্র বন্দরে (চট্টগ্রাম সমুদ্র বন্দর ও মংলা সমুদ্র বন্দর) স্ক্রিনিংকৃত যাত্রীর সংখ্যা	২৪০	৬৪৪
অন্যান্য চালু স্থলবন্দরগুলোতে স্ক্রিনিংকৃত যাত্রীর সংখ্যা	৬২২৮	৫৭২০৮
আইইডিসিআর হটলাইন এ মোট কলের সংখ্যা	১৮০	১৬২০
আইইডিসিআর হটলাইন এ ২০১৯-nCoV সংক্রান্ত মোট কলের সংখ্যা	১৪৫	১২১০
আইইডিসিআর এ আগত ২০১৯-nCoV সংক্রান্ত মোট সেবাগ্রহীতার সংখ্যা	১	৫৭
২০১৯-nCoV পরীক্ষা করা মোট নমুনার সংখ্যা	১	৫৫
নিশ্চিতকৃত nCoV এর মোট রোগীর সংখ্যা	০	০

* গত শুক্রবার ০৭/০২/২০২০ থেকে হযরত শাহজালাল বিমান বন্দরে বিদেশ থেকে আগত সকল যাত্রীকে স্ক্রিনিং করা হচ্ছে।

প্রয়োজনে আইইডিসিআর-এর হটলাইন নম্বর এ যোগাযোগ করুনঃ

০১৯২৭৭১১৭৮৪, ০১৯২৭৭১১৭৮৫, ০১৯৩৭০০০০১১, ০১৯৩৭১১০০১১

শ্বাসতন্ত্রের সংক্রমণ প্রতিরোধে করণীয়

- ঘন ঘন সাবান ও পানি দিয়ে হাত ধোবেন (অন্তত ২০ সেকেন্ড যাবৎ)
- অপরিষ্কার হাতে চোখ, নাক ও মুখ স্পর্শ করবেন না

- ইতোমধ্যে আক্রান্ত এমন ব্যক্তিদের সংস্পর্শ এড়িয়ে চলুন
- কাশি শিষ্টাচার মেনে চলুন (হাঁচি/কাশির সময় বাহু/ টিস্যু/ কাপড় দিয়ে নাক-মুখ ঢেকে রাখুন)
- অসুস্থ পশু/পাখির সংস্পর্শ পরিহার করুন
- মাছ-মাংস ভালো ভাবে রান্না করে খাবেন
- অসুস্থ হলে ঘরে থাকুন, বাইরে যাওয়া অত্যাৱশ্যক হলে নাক-মুখ ঢাকার জন্য মাস্ক ব্যবহার করুন
- জরুরী প্রয়োজন ব্যতীত চীন ভ্রমণ করা থেকে বিরত থাকুন এবং প্রয়োজন ব্যতীত এ সময়ে বাংলাদেশ ভ্রমণে নিরুৎসাহিত করুন
- অত্যাৱশ্যকীয় ভ্রমণে সাবধানতা অবলম্বন করুন

স্বা/ =

অধ্যাপক ডাঃ মীরজাদী সেব্রিনা ফ্লোরা
পরিচালক

ফোন নম্বরঃ ০২-৯৮৪২২৭০